

**Հ Ա Շ Վ Ե Տ Վ ՈՒ Թ Յ ՈՒ Ն**  
**ԳՈՐԾՈՒՂՄԱՆ ԾԱԽՍԵՐԻ ՎԵՐՋՆԱՀԱՇՎԱՐԿԻ ՄԱՍԻՆ**

1. Մարմնի անվանումը՝ **ՀՀ քաղաքաշինության կոմիտե**
2. Գործուղման մասին իրավական ակտի համարը՝ ՀՀ վարչապետի 2023 թվականի սեպտեմբերի N 976-Ա որոշում
3. Անունը, ազգանունը, զբաղեցրած պաշտոնը (մասնագիտությունը)՝  
Արմեն Ղուլարյան - ՀՀ քաղաքաշինության կոմիտեի նախագահ
4. Գործուղման վայրը՝ Շվեյցարիայի Համադաշնություն(Ժնև)
5. Գործուղման ժամկետները 2023 թվականի հոկտեմբերի 3-ից 6-ը
6. Գործուղման ծախսերի ֆինանսավորման աղբյուրը՝
  - 1) հրավիրող կողմի միջոցների հաշվին հատուցվող ծախսերը (թվարկել՝ ճանապարհաձախս, գիշերավարձ, օրապահիկ և այլն)  
ճանապարհաձախս, գիշերավարձ, օրապահիկ \_\_\_\_\_
  - 2) պետական բյուջեի միջոցների հաշվին հատուցվող ծախսերը (ՀՀ կառավարության 2005 թվականի դեկտեմբերի 29-ի N 2335-Ն որոշմանը համապատասխան)

(ընդգծել ծախսերի փոխհատուցման տարբերակը)

ա. փաստացի կատարված ծախսերը հիմնավորող փաստաթղթերի հիման վրա՝ դրանցով սահմանված չափով, բայց ոչ ավելի, քան ցանկով նախատեսված չափերը

բ. գործուղման անհատական իրավական ակտով տվյալ գործուղման փաստացի կատարված ծախսերի հատուցման պահանջի համաձայն

Ծախսի տեսակը		Ընդամենը (դրամ)
Ճանապարհաձախս	Ավիաճառայության տեսակը (էկոնոմ դաս, բիզնես դաս)	
	Ավիատոմսի արժեքը (դրամ)	
Գիշերավարձ	Վճարը 1 օրվա համար (արտարժույթով, USD)	
	Վճարը 1 օրվա համար (դրամ)	

	Օրերի քանակը	
	<b>Ընդամենը (դրամ)</b>	
Օրապահիկ	Վճարը 1 օրվա համար (արտարժույթով, USD)	
	Վճարը 1 օրվա համար (դրամ)	
	Օրերի քանակը	
	<b>Ընդամենը (դրամ)</b>	
Այլ ծախսեր	Հակահամաճարակային նմուշառումների վճար	
	Մուտքի արտոնագրի վճար	
	Այլ ծախսեր (նկարագրել)	
<b>Ընդամենը ծախսեր (դրամ)</b>		

Գլխավոր ֆինանսիստ՝

09/10/2023

X 

ԱՐԱՄ ՄԿՐՏՉԱՆ

ԿՈՄԻՏԵԻ ԳԼԽԱՎՈՐ ՔԱՐՏՈՒՂԱՐ

Signed by: MKRTCHIAN ARAM 2707650080

Արամ ՄԿՐՏՉԱՆ

## ՀԱՇՎԵՏՎՈՒԹՅՈՒՆ

### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱՇԻՆՈՒԹՅԱՆ ԿՈՄԻՏԵԻ ՆԱԽԱԳԱՀ ԱՐՄԵՆ ՂՈՒԼԱՐՅԱՆԻ՝ ՇՎԵՅՑԱՐԻԱՅԻ ՀԱՄԱԴԱՇՆՈՒԹՅՈՒՆ (ԺՆԵՎ) ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

#### 1. Անունը, ազգանունը, զբաղեցրած պաշտոնը.

Արմեն Ղուլարյան,

Հայաստանի Հանրապետության քաղաքաշինության կոմիտեի նախագահ:

#### 2. Գործուղման վայրը և ժամկետները.

Շվեյցարիայի Համադաշնություն (ԺՆԱ), 2023 թվականի հոկտեմբերի 3-ից 6-ը:

#### 3. Հրավիրող կողմը.

Միավորված ազգերի կազմակերպության (այսուհետ՝ ՄԱԿ) Եվրոպական տնտեսական հանձնաժողով (այսուհետ՝ ԵՏՀ):

#### 4. Գործուղման նպատակը.

2023 թվականի հոկտեմբերի 4-ից 6-ը Շվեյցարիայի Համադաշնությունում (ԺՆԱ) տեղի ունեցած ՄԱԿ-ի ԵՏՀ-ի քաղաքաշինության, բնակարանաշինության և հողերի կառավարման կոմիտեի 84-րդ նստաշրջանին մասնակցելու նպատակով:

#### 5. Քննարկված թեմաները.

Միջոցառման շրջանակում Հայաստանի Հանրապետության քաղաքաշինության կոմիտեի (այսուհետ՝ Կոմիտե) նախագահ Արմեն Ղուլարյանը ներկա է եղել մի շարք քննարկումների:

ՄԱԿ-ի ԵՏՀ-ի քաղաքաշինության, բնակարանաշինության և հողերի կառավարման կոմիտեի նախագահ Դորիս Անդոնին ելույթով ներկայացրել է նստաշրջանի օրակարգը, նախատեսվող միջոցառումները, նստաշրջանի դերը և նշանակությունը ՄԱԿ-ի ԵՏՀ-ի գործունեության մեջ:

ՄԱԿ-ի ԵՏՀ-ի գործադիր քարտուղար Տատյանա Մուլանը նկարագրել է ՄԱԿ-ի ԵՏՀ-ի գործունեության հիմնական ուղղությունները, անդամ պետությունների միջև

համագործակցության ընդլայնման նպատակով իրականացվող ծրագրերն ու նախաձեռնությունները:

ՄԱԿ-ի Մարդկային բնակավայրերի ծրագրի (UN-Habitat) գործադիր տնօրենի տեղակալ Միխալ Մլընարը, ողջունելով մասնակիցներին, ներկայացրել է գործակալության աշխատանքները: Նշվել է, որ կառույցի գործունեությունն ուղղված է զարգացող քաղաքների ու բնակավայրերի ձևավորմանը, յուրաքանչյուր մարդու համար բնակության կացարանի ապահովմանը:

Կայուն և ներառական քաղաքաշինության և ճարտարապետության սկզբունքների վերաբերյալ Սան Մարինոյի հռչակագրի ընդունումից հետո կատարված աշխատանքների շրջանակում Շվեյցարիայի Համադաշնության Ժնևի համալսարանի դասախոսներ Ալեքսանդր Հեդջազին և Ֆրեդերիկ Ջիրաուֆը ներկայացրել են Ժնևի ճարտարապետության տարբեր կառույցներ որպես քաղաքաշինական պլանավորման և ներառականության օրինակներ:

«Կեցության վայրը և կյանքը ԵՏՀ-ում – տարածաշրջանային գործողությունների պլան 2030» փաստաթղթի իրականացման ընթացքի վերաբերյալ քննարկմանը ներկայացվել է պետությունների, քաղաքների, միջազգային կազմակերպությունների գործունեությունը քաղաքաշինության զարգացման և բնակարանային ապահովման գործընթացում:

Միջոցառման շրջանակում տարբեր պետությունների մասնակիցները ներկայացրել են իրենց պետություններում քաղաքաշինության, ճարտարապետության և բնակարանաշինության բնագավառներում իրականացվող աշխատանքները, ոլորտային բարեփոխումների ընթացքը և հետագա քայլերը:

## **6. Հանդիպումները, ելույթները, բարձրացված կամ քննարկված հարցերը.**

2023 թվականի հոկտեմբերի 4-ին Արմեն Ղուլարյանը հանդիպել է ՄԱԿ-ի ԵՏՀ-ի գործադիր քարտուղարի տեղակալ Դմիտրի Մարիասինի հետ, ներկայացրել Կոմիտեի գործունեությունը, ոլորտում իրականացվող աշխատանքները: Հանդիպմանը մասնակցել է նաև Կոմիտեի միջազգային համագործակցության և կառուցապատման ներդրումային ծրագրերի վարչության պետ Էրիկ Հովսեփյանը: Քննարկվել են քաղաքաշինության: բնագավառում ՄԱԿ-ի ԵՏՀ-ի հետ համագործակցության հիմնական ուղղությունները, զարգացման ներուժն ու հեռանկարները:

Արմեն Ղուլարյանը ընդգծել է 2017 թվականին հրապարակված «Հայաստանի Հանրապետության բնակարանային տնտեսության և հողային ռեսուրսների կառավարման վերաբերյալ երկրի նկարագիր» փաստաթղթի վերանայման, նոր փաստաթղթի մշակման կարևորությունը: Անդրադարձ է կատարվել Հայաստանի Հանրապետության տարաբնակեցման գլխավոր նախագծի և Երևան քաղաքի գլխավոր հատակագծի մշակման շրջանակում ՄԱԿ-ի ԵՏՀ-ի հետ համագործակցությանը, մասնագիտական խորհրդատվական աջակցության տրամադրման հնարավորությանը: Դմիտրի Մարիասինը առաջարկել է դիտարկել Հայաստանի Հանրապետությունում ՄԱԿ-ի ԵՏՀ-ի գերազանցության կենտրոնի հիմնման հնարավորությունը: Մտքեր են փոխանակվել ոլորտային համագործակցության մի շարք այլ հարցերի վերաբերյալ:

2023 թվականի հոկտեմբերի 4-ին Արմեն Ղուլարյանը հանդիպել է ՄԱԿ-ի ԵՏՀ-ի քաղաքաշինության, բնակարանաշինության և հողերի կառավարման կոմիտեի նախագահ Դորիս Անդոնիի հետ: Քննարկվել են 2017 թվականին հրապարակված «Հայաստանի Հանրապետության բնակարանային տնտեսության և հողային ռեսուրսների կառավարման վերաբերյալ երկրի նկարագիր» փաստաթղթի վերանայմանն առնչվող հարցեր: Դորիս Անդոնին ընդգծել է նոր փաստաթղթի մշակման նպատակով ֆինանսական ռեսուրսների անհրաժեշտությունը, նշել, որ ՄԱԿ-ի ԵՏՀ-ն քննարկումներ կունենա անդամ պետությունների, գործընկերների հետ ֆինանսական օժանդակության տրամադրման նպատակով: Անդրադարձ է կատարվել ՄԱԿ-ի ԵՏՀ-ի քաղաքաշինության, բնակարանաշինության և հողերի կառավարման կոմիտեի բյուրոյի կազմում Կոմիտեի ներառմանը, որը կմեծացնի համագործակցության հնարավորությունները, կնպաստի նոր ծրագրերի ու նախաձեռնությունների իրագործմանը:

2023 թվականի հոկտեմբերի 5-ին շվեյցարահայ գործարար Վարդան Սերմաքեշի հետ քննարկվել են «Հին Երևան» ծրագրի իրականացման վերաբերյալ հարցեր: Անդրադարձ է կատարվել նաև քաղաքաշինության բնագավառում համատեղ ծրագրերի իրագործման և ներդրումների ներգրավման հնարավորություններին:

ՄԱԿ-ի ԵՏՀ-ի քաղաքաշինության, բնակարանաշինության և հողերի կառավարման կոմիտեի 84-րդ նստաշրջանի շրջանակում 2023 թվականի հոկտեմբերի 5-ին Արմեն Ղուլարյանը զեկույց է ունեցել «Հայաստանի Հանրապետության բնակարանային տնտեսության և հողային

ռեսուրսների կառավարման վերաբերյալ երկրի նկարագիր» փաստաթղթի շրջանակում կատարված աշխատանքների վերաբերյալ: Ներկայացվել են ոլորտում իրականացված նախագծերը, առկա ծրագրերն ու նախաձեռնությունները: Կարևորելով ներկա պահանջներն ու մարտահրավերները՝ նշվել է նոր փաստաթղթի մշակման անհրաժեշտությունը, որը կգնահատի 2017 թվականից հետո կատարված աշխատանքները, կներկայացնի նոր առաջարկություններ, կսահմանի նոր ուղղություններ քաղաքաշինության բնագավառում հետագա համագործակցության նպատակով:

2023 թվականի հոկտեմբերի 5-ին քննարկում է տեղի ունեցել ՄԱԿ-ի Մարդկային բնակավայրերի ծրագրի (UN-Habitat) միջտարածաշրջանային խորհրդատու Կատյա Սչաֆերի հետ: Անդրադարձ է կատարվել ոլորտային համագործակցության զարգացման նպատակով համատեղ ծրագրերի իրականացման, «Երկրի նկարագիր» փաստաթղթի ձևավորման նպատակով ՄԱԿ-ի Մարդկային բնակավայրերի ծրագրի կողմից ֆինանսավորման հնարավորություններին:

2023 թվականի հոկտեմբերի 6-ին ՄԱԿ-ի ԵՏՀ-ի քաղաքաշինության, բնակարանաշինության և հողերի կառավարման կոմիտեի քարտուղար Գուլնարա Ռոլի հետ քննարկվել է Կոմիտեի հետ համագործակցությամբ Հայաստանի Հանրապետությունում ՄԱԿ-ի ԵՏՀ-ի քաղաքաշինության և բնակարանաշինության գերազանցության կենտրոնի հիմնման հնարավորությունը: Գերազանցության կենտրոնների գործունեությունն ուղղված է լավագույն փորձի փոխանակմանը, բնակարանաշինության, խելացի քաղաքների կառուցման, քաղաքաշինության և հողերի կառավարման բնագավառներում հետազոտությունների, վերապատրաստման դասընթացների իրականացմանը: Գերազանցության կենտրոնների նպատակը բնակարանաշինության ոլորտում գիտելիքի փոխանցումը և կարողությունների զարգացումն է: Նման կենտրոններ գործում են մի շարք պետություններում:

Գուլնարա Ռոլը նշել է, որ Հայաստանի Հանրապետությունում գերազանցության կենտրոնի գործունեությունն ուղղված կլինի տարածաշրջանի պետությունների միջև ոլորտային փորձի փոխանակմանը և այլ պետություններում գործող գերազանցության կենտրոնների հետ համագործակցության խթանմանը: Առաջարկվել է դիտարկել Կոմիտեի և ՄԱԿ-ի ԵՏՀ-ի միջև

Փոխընթացման հուշագրի ստորագրման հնարավորությունը գերազանցության կենտրոն հիմնելու վերաբերյալ:

**7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

ՄԱԿ-ի ԵՏՀ-ի քաղաքաշինության, բնակարանաշինության և հողերի կառավարման կոմիտեի կողմից ընդունվել են որոշումներ և նպատակադրություններ 84-րդ նստաշրջանի շրջանակում տեղի ունեցած պանելային քննարկումների և նիստերի արդյունքների վերաբերյալ:

Մասնավորապես 2023 թվականի հոկտեմբերի 5-ին որոշում է ընդունվել դիտարկել Կոմիտեի առաջարկությունը 2017 թվականին հրապարակված «Հայաստանի Հանրապետության բնակարանային տնտեսության և հողային ռեսուրսների կառավարման վերաբերյալ երկրի նկարագիր» փաստաթղթի վերանայման, նոր փաստաթղթի մշակման վերաբերյալ:


2023 թվականի հոկտեմբերի 6-ին տեղի են ունեցել ՄԱԿ-ի ԵՏՀ-ի քաղաքաշինության, բնակարանաշինության և հողերի կառավարման կոմիտեի բյուրոյի (այսուհետ՝ Բյուրո) անդամության ընտրություններ: Քննարկումներ են տեղի ունեցել Բյուրոյի հաջորդ ընտրություններին Կոմիտեի մասնակցության, Բյուրոյի կազմում ներկայացուցչի ներգրավման վերաբերյալ:

**8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Այցի ընթացքում համաձայնություն է ձեռք բերվել՝ շարունակել քննարկումները առկա պայմանավորվածությունների իրականացման, համագործակցության օրակարգի ընդլայնման նպատակով:

**9. Ստորագրությունը, ամսաթիվը.**

ԱՐՄԵՆ ՂՈՒԼԱՐՅԱՆ



09.10.2023 թվական